



Norges Fiskarlag

Fiskeidirektoratet

Dykkar ref.	Vår ref.	Sakshandsamar	Dato
		Britt Sæle Instebø, 454 76 360	23.09.2024

Regulering av fisket etter sild i Nordsjøen og Skagerrak i 2025

Styret i Sør-Norges Fiskarlag behandla ovannemnde sak i sitt møte 18.-19.09.2024, og gjorde følgjande vedtak:

Styret meiner at det er rett og fornuftig, i ein normalsituasjon, å ha ein haustingsregel frå det eine året til det andre som tilseier at ein ikkje skal endra kvoten meir enn 20% viss kvoten går ned og 25% viss kvoten blir auka, i samsvar med andre fiskeri. Dette er fornuftig både biologisk og marknadsmessig.

Styret i Sør-Norges Fiskarlag ser det som viktig at kvotefleksibilitetsrekneskapet er ferdig snarast mogleg når ein startar på nytt år, spesielt for fisket etter nordsjøsild då fisket har sesong frå starten på året. Ein føreset at kvotefordeling etter sildestigen blir gjeninnført frå 2025.

Farvannsadgang britisk sone

Styret føreset at ein benytter fordelingsnøkkelen i forhold til fordeling av adgangen i britisk sone. I kystgruppa må ein ta med seg at det dei fleste fartøy som deltar i britisk sone er over 15 m.

Styret meiner at Norges Fiskarlag bør utrede ei prøveordning i pelagisk trål om ein bør kunne byte soneadgang mellom fartøy og grupper t.d. i fisket etter makrell og nordsjøsild. Det må gjerast enkelt ved ei meldingsordning til Norges Sildesalgsdag eller Fiskeridirektoratet.

Ringnot

Styret i Sør-Norges Fiskarlag føreset at ringnotgruppa blir regulerast som tidlegare år med faste kvotor.

SUK

Styret i Sør-Norges Fiskarlag føreset at SUK-gruppa blir regulerast som tidlegare år med faste kvotar.

I utgangspunktet er fartøya i denne gruppa så store at dei tar kvoten sin, om ikkje andre tilhøve hindrar det. Styret i Sør-Norges Fiskarlag meiner at ein bør setje eventuell refordelingsdato til 01.12.

Trål

Styret i Sør-Norges Fiskarlag føreset at trålgruppa blir regulerast som tidlegare år med faste kvotar.

På bakgrunn av den nye forskrifta, som er gjort gjeldande frå 01.01.2024, for prøvetaking av industrifangster ved landing (J-122-2023), blir bifangst avrekna kvote, og ein meiner at ein òg bør kunne ha inntil 20% innblanding av artar ein allerede har kvote ein kan avrekne dette på i m.a. fisket etter tobis. Høstningsforskrifta, § 42 «Bifangst ved fiske med småmasket trål og snurrevad» må då endrast:

Ved fiske etter kolmule og øyepål sør for 64° N er det tillatt å ha inntil 20 % bifangst i vekt av andre arter i de enkelte fangster og ved landing.

Ved fiske etter tobis med mindre maskevidde enn 16 mm er det tillatt å ha inntil **10%** bifangst i vekt av andre arter i dei enkelte fangster og ved landing.

Dette vil òg kunne gje ein reduksjon i utslepp og reduserte kostnader for fartøya.

Kyst

Styret i Sør-Norges Fiskarlag ser det som viktig at den minste flåten har vilkår som gjer at ein kan gjennomføre eit effektivt fiske når fisken er tilgjengeleg langs kysten, og ein meiner dermed at samarbeidsordninga som blei gjennomført i 2022, 2023 og 2024 for makrell òg må innførast i fisket etter nordsjøsild i 2025 i tråd med uttale frå landsstyret i Norges Fiskarlag om ikkje ID-kvoteordninga blir innført.

Styret meiner at ein må fortsetja samreguleringa Nordsjøen/Skagerrak for kystgruppa.

Styret meiner at kvoten i EU-sona/britisk sone for kystgruppa må fastsettjast etter faktor, og ikkje slik som i dag med eit likt antal tonn. Slik fisket blir utøvd i dag, er det ein god del fartøy av kystgruppa som ikkje fiskar i EU-sona/britisk sone, og ein meiner dermed at kvoteenheten bør kunne vere ein god del overregulert frå årets start.

Open gruppe (kyst)

Styret i Sør-Norges Fiskarlag meiner at både not og garn må gjevast kvote tilsvarande ein enhet i lukka gruppe.

Samfiske

Styret meiner at kravet om 20% restkvote med samfiske må fjernast då ein meiner at den er

utdatert, jf. Kapittel VII, Samfiske og samføring av pelagiske fangster, § 34, Krav til fartøy som skal drive samfiske i høstingsforskrifta:

Fartøy som har drevet selvstendig fiske i et kalenderår, kan ikke delta i samfiske i samme kalenderår, med mindre fartøyet har minst 20 % igjen av egen kvote hver gang fartøyet skal drive samfiske. (https://lovdata.no/dokument/SF/forskrift/2021-12-23-3910/KAPITTEL_9#KAPITTEL_9)

Samføring – føringspool-ordninga, kategori 4-fartøy

Styret meiner at samføringsordninga må vidareførast.

I forhold til skriving av landings-/sluttsetel og rapportering ved føring med kategori 4 -fartøy meiner styret at det må gjerast enklare enn i dag.

Fiske med lys ved definerte elvemunningar

Styret vil peike på at ein finn det svært urimeleg at ein ikkje kan drive fiske med lys etter pelagiske artar inn til definerte elvemunningar, eventuelt 100 m frå dei definerte elvemunningane, så lenge ein ikkje får bifangst av laksefisk eller andre artar utover lovleg bifangst. Vidare er det også utfordrande med forskjellig begrensinger i dei forskjellige fylka og at denne informasjonen ikkje er å finne på til dømes Fiskinfo. Styret ser positivt på at Norges Fiskarlag no i haust har bede om møte med Miljødirektoratet om sakta, då det er ei svært viktig sak for den minste kystflåten i vårt område.

Anna

Kvotefleksibilitet

Styret meiner på prinsipielt grunnlag at ein må unngå fangst utover 110% på fartøynivå, inklusiv bifangst, då det ved dagens regulering går utover gruppekvoten påfølgjande år samt eventuelt soneadgang for enkelfartøy inneverande år. Styret meiner at det ikkje skal vere lov å gå på ny tur når ein har tatt 100% av årets kvote. Styret førelår likevel unntak for fartøy som låsset fangst (umuleg å estimere) og fartøy under 15 m største lengde.

I tillegg må låssatt fangst utover 110% kunne overførast til anna fartøy ved levering. Det vil vere eit ressurs- og miljøsparande tiltak.

Brukskollisjon – arbeidsgrupper

Styret ber administrasjonen om å følge opp sak 44/2024 om nedsetting av arbeidsgruppe.

**Med helsing
Sør-Norges Fiskarlag**

Janita Arhaug

Dagleg leiar

Britt Sæle Instebo

Avdelingsleiar

Kopi: Nord Fiskarlag, Fiskebåt

Brevet er godkjent elektronisk og blir sendt utan handskriven signatur.